



Broj: 05/1-50-13-26-35-7/17
Sarajevo, 28.8.2017.

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Državne agencije za istrage i zaštitu

Sastanak je održan 19.7.2017., s početkom u 10 sati, u prostorijama Državne agencije za istrage i zaštitu u Sarajevu. Prisustvovali su: Perica Stanić, direktor Državne agencije za istrage i zaštitu, Ljubomir Kuravica, Mate Miletić i Ilma Mehić-Jusufović, članovi Nezavisnog odbora, te Ivana Lovrić, sekretar Nezavisnog odbora.

Direktor Državne agencije za istrage i zaštitu Perica Stanić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Ljubomir Kuravica, član Nezavisnog odbora, ukratko je obrazložio razlog posjete. Rekao je da je posjeta organizirana u skladu s Planom i programom rada Nezavisnog odbora za 2017. godinu, a s ciljem održavanja kontinuiteta saradnje s policijskim agencijama iz svoje nadležnosti.

U razgovoru s članovima Nezavisnog odbora direktor Državne agencije za istrage i zaštitu Perica Stanić upoznao je članove Nezavisnog odbora o trenutnim aktivnostima u agenciji, stanju kriminaliteta, terorizma, Zakonu o policijskim službenicima BiH, kadrovskoj i nacionalnoj popunjenosti u Agenciji i ostalim pitanjima iz djelokruga Državne agencije za istrage i zaštitu.

Kada je u pitanju nacionalna zastupljenost svih konstitutivnih naroda u Državnoj agenciji za istrage i zaštitu, direktor je istakao da je veoma zadovoljan, da ona varira, ali je izbalansirana i nastoji se da bude primjerena regionalnoj zastupljenosti. Upraznjeno mjesto bude nakon odlaska u penziju određenog službenika, ali se nastoji što prije popuniti. Tako je sada predviđeno da se popune 3 pozicije glavnog inspektora u Uredu Sarajevo i u Kriminalističko-istražnom odjelu (KIO).

Direktor Državne agencije za istrage i zaštitu BiH informirao je članove Nezavisnog odbora o trenutnim aktivnostima kada je u pitanju izrada Zakona o policijskim službenicima BiH. Istakao je da je ova agencija odradila svoj dio, dala primjedbe i sugestije, usaglasila ih i prosljedila Ministarstvu sigurnosti BiH u daljnju proceduru. Ono što smatraju neophodnim da se poboljša ovim zakonom je prohodnost policijskih službenika unutar policijskih agencija u BiH. Trenutno postoji prohodnost policijskih službenika s državnog nivoa ka nižem, ali ne i obrnuto.

Također, prema Ministarstvu sigurnosti BiH uputili su i novi Zakon o Državnoj agenciji za istrage i zaštitu kojim su otklonili sve nepravilnosti u radu i kojim nastoje ovu policijsku agenciju učiniti funkcionalnijom.

Dalje je u razgovoru direktor Državne agencije za istrage i zaštitu informirao članove Nezavisnog odbora da je zadovoljan odnosima s drugim policijskim agencijama u BiH kao i s Tužilaštvom BiH, ali da bi mogli biti i bolji.

Spomenuo je i Agenciju za policijsku podršku BiH u čijem djelokrugu je obaveza zajedničkih nabavki za sve policijske agencije u BiH. Problem predstavlja to što Agencija vrši nabavke, a proceduru provodi policijska agencija i potpisuje ugovore za njih. Smatra da bi sama Agencija za policijsku podršku BiH trebala obavljati svu proceduru nabavki, imati sopstveni budžet i samim tim biti i odgovorna za taj dio.

Također, direktor je izrazio potrebu da iskaže svoje nezadovoljstvo Izvještajem Ureda za reviziju institucija BiH jer su dali „mišljenje s rezervom“, a razlog je policijski dodatak za koji podzakonske akte treba donijeti Vijeće ministara BiH, a ne Državna agencija za istrage i zaštitu.

Članovi Nezavisnog odbora na kraju su naglasili da će Nezavisni odbor i dalje u okviru svojih nadležnosti pružati podršku radu Državne agencije za istrage i zaštitu, te im poželjeli mnogo uspjeha.

Sastanak je završen u 11,30 sati.

PREDSJEDNICA
NEZAVISNOG ODBORA
Tatjana Klječanin Martić